

21
DISPUTATIO INAUGURALIS MEDICA

De

SPASMIS,

Quam

In Alma Regia & Electorali Fridericiana

RECTORE MAGNIFICENTISSIMO

SERENISSIMO PRINCIPE AC DOMINO,

DN. FRIDERICO WILHELMO,

REGNI BORUSSICI, ET ELECTORATUS BRANDEN-
BURGENSIS HÆREDE &c. &c.

GRATIOSO FACULTATIS MEDICÆ CONSENSU

PRÆSIDE

DN. GEORGIO ERNESTO STAHL,

MED. D. ET PROFESS. PUBL. ORDINAR. ACAD. NAT.

CURIOS. COLLEG.

PATRONO AC PROMOTORE SUO ÆTERNUM COLENDO.

PRO DOCTORIS GRADU

Summos in Arte MEDICA Honores, iuraque & Privilegia
legitimè capeffendi,

ad Diem Septembr. Anno MDCCII.

Horis locoque solitis

Publicæ Eruditorum Disquisitioni exponit

JOHANNES PETRUS PAULI,

Gorlic. Lufat.

RECUSA, HALÆ MAGDEBURGICÆ,

Typis CHRISTIANI HENCKELII, Acad. Typogr.



PROOEMIUM.



IN corpore adhuc sano, cum Motus Tonicus partium porosarum, semper liber & æqualis requiratur; quo sanguinis non solum transitus promptus per has partes, sed etiam regressus ejus in venas legitime succedat; Fieri hinc non potest, quin hujus motus à suo justo tramite recessus, vel indicet atque prodat, vel etiam post se trahat, specialem aliquam à sano statu atque motuum successu deviantem, & quocumq; sensu præternaturalem corporis constitutionem. Cum enim motus, corpori alias consueti, duplici modo ab exquisito suo successu deflectant; Dum vel active, ad aliquid extra ordinem corpori obtrusum emovendum, necessario etiam extra ordinem intenduntur, & varie, conveniente tamen cum illo scopo directione atque moderamine, extra ordinem reliquum, instruuntur atque administrantur: Vel passive, à vitiis materialibus rerum, quas movere debebant, variè intenduntur, aut alio detorquentur atque restringuntur: Ita tonici motus quoque duplices tales anomalie utique occurrunt, quatenus vel nilu quodam majore,

re, intenditur active, & qualicunque iusta, non raro tamen etiam aberrante neque satis scita & recta deliberata proportionem: Vel passivè impeditur, quo minus celebrari possit, v. g. infarctibus & incarceratione materiæ in poros partis rigida, tensa, imo subinde densa, indurata, siccescente, quod in tumoribus scirrhis quotidianum est.

Sicut autem activæ illæ motuum talium intensiones (quibus illi, equidem præter & extra ordinem absolute sani status, intenduntur, non verò, passive, tumultuarie, sine ullo utili, sed potius noxio effectui atque eventu, à directâ activâ causâ morbidâ efficacia, fiunt;) Sicut inquam tales intensiones, earumque pro conservatione & sublevatione corporis, utiles intentiones, imò scitæ, & mechanico-organicæ rectissimè proportionatæ inventiones, in pathologia verè Medica, adeoque directione Therapeutica, ingentem considerationem merentur, & nulla major confusio oriri potest, quam si tales actus atque motus à causis quantumcunque activis, & ad finem œconomix corporeæ utilem collineantibus dependentes, eoque ipso intuitu potius juvandi, sublevandi, in debitum ordinem, temperiem, successum, modum, redigendi, perversa interpretatione pro malis morbi cujusdam satellitibus, aut pedissequis agnoscuntur: Ita ipsorum quoque illorum talium motuum meritisimo jure tanto major habenda est ratio atque consideratio, qui quocunque errore à planiore via deflectentes, harum rerum vel minus curiosis, vel minus peritis, tanto facilius imponunt: ut, cum nullum directum, nedum scitisimum (qualem ab errabunda anima rationali, nescio quam rationaliter, rigidè exigunt) utilem

lem illorum effectum comprehendere possunt, universos huiusmodi motus morbi ipsius familiæ accensere, & absolutarum passionum nota afficere non vereantur.

Exemplar huius rei, Spasmodum cum suis speciebus; propterea specimen Inaugurali evolvendum & excutiendum sumere nobis placuit; Ubi speramus deducere, quod hi, a solita motuum via ac tenore deflecentes motus, non ita absolute nudus morbus, aut morbi cujuscunque directus effectus, seu verum atque nudum symptoma, existant: Sed potius, & à priori, cum causis quas subsequuntur, & interdum à posteriori, cum effectibus quos edunt, vel ad minimum inchoant, talem proportionem habeant & exhibeant, ut longe verisimilius inde compareat, quod activa quadam intentione suscepti, quam nudo passivo eventu consecuti sint.

Divinam Benignitatem oramus humillime, velit nobis sua gratia subvenire, ut vera ac utilia, & solide perspicere, & perspicue tradere atque stabilire valeamus.

CAPVT. I.

Descriptio & Historia Spasmi.

Nomen *Spasmi*, quem tractandum nobis sumimus, *Græcum* est; derivatum a verbo *σπᾶν*, trahere, contrahere: Cui Germanorum *spannen*, non magis sono, quam præcipuo significationis sensu, accedit, *Latini* interpretes vulgò vertunt vocem *spasmi*, per vocabulum *Convulsionis*; Sed reverà perperam, ambiguo, imò confuso, sensu. Siquidem *vellere*, impetuosum quendam & repentinum motum, iuxta vocis acceptione, designat; Tanto magis vero *Convulsionis* vox, & *convellere*, & impetum similem, & effe-

effectum omnino majorem, vulgò exprimit. Unde quidem violentis Motuum Tonicorum exacerbationibus & agitationibus, hæc vocabula quadrant; *Spasmi* vero strictè dictis minus certè respondent. Unde magis forte quadraret *tractionis, rigoris, tensionis* &c. vocabulum. Sed omnium sane optime egisse videntur majores nostri, qui potius ipsum *græcum* vocabulum retinendo, indigitare voluerunt, quod illo istam tantum rem designatam velint, quæ Græcis etiam hoc nomine notetur: adeoque potius communi nomine contenti sint, quam in linguæ penuria, vel novum *primitivum* fingant, (In qua re omnium propemodum nationum, præter fortè Gallos, miraculo similis est superstitio) vel *derivativo* utantur, a *νίγνυμι*, & res minus exprimente, sed potius cum aliis *confundente*. Germanis vero nostris, primitivo utique nomine, malum nempe ab antiquissimis temporibus familiariter notum, *spasmus* generalior, seu variis corporis partibus indifferenter & æqualiter familiaris, appellatur: *der Krampf*. Veletiam ubi paulo specialiore, & minus adeo solito more atque modo sese exerit, *Glieder spannen*.

Imo vero in *speciebus* Spasmi, placuit etiam ipsis Græcis appellatio, sensibilibus hujus mali circumstantiis convenientior; Siquidem dicta hæc symptomata spastica specialia, velut universim nominibus *tensiones* denotantibus, ἀπὸ τῆς τῆς derivatis, designant. Ubi quidem, ne in nominibus percensendis nimio prolixiores videamur, missis his, potius ad differentias seu reales distinctiones aut divisiones specierum Spasmi variarum pergimus.

Cum autem titulus Capitis indigitet, imò veluti promittat, *historiam* Spasmodum; Sistemus proinde ante omnia Spasmi in genere historiam; i. e. effectus, quos ille in corpus edit. Consistit ita Spasmus in eo, quod in uno vel altero membro corporis, præcipue tamen *artibus*, musculus, aut musculi quidam, ita rigide *attrahantur* atque *tendantur*, ut non solum illa particularia membra, quibus mo-

Vendis musculi tales inferviunt, una ita in *rigido situ* detineantur, aut lento quodam successu adducantur: Sed etiam in musculo immediatè ita affecto, tensa quædam atque *rigida durities* percipiatur: Et *sensus* subinde exquisitus, veluti *rupturi* atque *divulsuri* doloris, patientem angat, ut sæpe numero vix ab ejulatu, imo clamore, sibi temperare possint. Resolvitur autem *simplex* talis Spasmus, ordinarie *brevi* tempore; accedente tamen ut plurimum patientis nisu, membrum ita affectum, vel alterius *liberi* membri adminiculo, aliter movendi, siue extensione, siue concussione & agitatione, hoc fiat.

CAP. II. Species Spasmi.

Species diversæ spasmi sunt, *Tetanus*, *Emprostotonus*, & *Opisthotonus*. Ad quas quidem, alii affectus similiter Spastici commodè referri possunt; ut *Catalepsi*, *Incubus*, *Asthma convulsivum*, Spasmi *Chiragrici*, & *Podagrici*: In quales nimirum hæc pathemata, post *fibrillares* suas sensibilissimas micationes, veluti terminari consueverunt: Spasmus *Cynicus*, & *Sardonius*, *Priapiismus*.

Horum ut pariter historicam delineationem exhibeamus; absolvuntur omnes & singuli, *rigida* quadam *tensione*, per maximam partem externi corporis diffusa. Sunt quidem communissime velut interscencia quædam ipsarum *Convulsionum*; Occurrunt autem etiam aliquando *extra*, vel ad minimum *ante*, veras *Convulsiones*: Quamvis negandum non sit, quod fere rarius hoc fiat.

Tetano nempe, obrigescit corpus universum in *situ recto*; Ita ut velut immotum jaceat: Nostrates dicunt: Es starre hinweg wie ein Scheit Holz, sey ganz steiff. *Emprostotonus* *antrorsum* incurvat violenter corpus ut genua capiti adducat: bieget den Leib zusammen wie ein Keiff. *Opisthotonus*, *retrosum* incurvat corpus; quod nostrates describunt: Es werfe

fe ihn in die Höhe, hoch in die Höhe, daß ein Knabe, oder ein starker Kerl unter ihm durchkriechen könnte.

Catalepsis, affectus oppido rarissimus, in eo versatur, ut corpus uniuersum, derepente, in eo situ, in quo affectus illudprehendit, firmissimè obrigescat, & gestus oris, oculorum, ac membrorum eisdem seruet, quos non solum facies, sed reliqua quoque membra & artus, ipso coorientis affectus momento, gesserant. Evenit vix ab ulla alia causa, quam à repentino grauissimò terrore, aut profundissima cogitatione. Unde, a terrore tonitruum aliquando obtigit; A cogitationibus quoque defixis, homini amanti amenti evenisse compertum est. Sicuti sunt, qui de Socrate hoc memoriæ tradunt, quod interdum, vel in publico, stans quoque, ita in illo gestu dirigerit, ut per viginti quatuor horas, non solum immotus, sed etiam in uno eodemque gestu, nihil mutatus, perstiterit. Quælia quidem exempla nostris temporibus vix nota sunt.

Incubus, est thoracis Spasmus, respirationem valde laboriosam reddens. Et ferè totius corporis motum tantisper sufflaminans, collecto veluti circa pectus seu thoracem motus vigore, ut hinc reliquis membris decedat. Exsoluitur tamen statim, simul ac unum aliquod membrum, collecto nisu, ad motum denique concitatur: Nisi quod notabilis lassitudo per uniuersum corpus aliquamdiu postea remaneat atque sentiat.

Asthma Convulsivum differt ab *Incubo*, in his: Cum *Incubus*, absolute, dormientibus eveniat, *asthma* hoc vix nisi vigilantibus obtingat. Deinde *Incubus* plane transitorius est, aut solvitur ad minimum voluntario motu aliarum corporis partium, quæ sub ipso, absolutè unà, motus impotentia comprehensæ sunt: E contra *asthma convulsivum*, salvis omnino reliqui corporis motibus, occupat tantum thoracem: Nec etiam tam vehementer respirationem cohibet, ut vocem ipsam claram supprimat, *Asthma* hoc, uti facit *Incubus*: Durat autem velut ordinariè atque communissimè longè pertinaciùs per ali-

aliquot horas, revertitur, per vices, interdum *incertis*, frequentissimè *statis intervallis* atque paroxysmis: Imò verò *Asthma convulsivum* serium, & non tam manifestissime directè symptomaticum, quam magis evidenter idiopathicum, *periculosum*, ancipitis, & ferè *acuti* eventus deprehenditur, quorum nihil in *Incubo* contingit.

Constringit autem *Asthma Convulsivum* imprimis respirandi facultatem, ut *laborioso*, & subinde quoque *brevi* motu, thorax attolli possit; licet communiter non æque alicujus renisus, vel impedimenti in ipsis *pulmonibus*, compareant indicia. Magis verò sensibilia communiter sunt, *febriliū* moliminum, subinde non valdè lenta vel obscura, machinamenta.

Cynicus Spasmus, oris sive *riētus* quadam torsione atque tractione, absolvitur, & durabili quidem ista, per plures horas continuante: Eventu communiter periculosissimo, & vix non funesto: Siquidem vel in *apoplecticos*, vel *convulsivos*, vel utrosque *conjunctim*, exitus terminatur. Eadem est ratio (nisi potius eadem res est) *Risus Sardonii*; Nempe *spastica* talis specialis distorsio oris: Nisi differentiam faciat, quod *Spasmus Cynicus* non æque, risus seu *Spasmus Sardoniū* autem, velut absolutè, *cum delirio* conjungatur.

Priapismus, gravissimam, & anxio quoque dolore stipatam, membri virilis, non tam erectionem, quam violentam *tensionem* denotat; Quo ipso differt à *Satyriasi*, quæ magis consistit in procaci atque frivola, sed tamen intra terminos ordinarios deinde manente, membri hujus *erectione*, ad leves phantasias, & objecta his qualemcunque occasionem præbentia.

In *Colica* quoque, præcipue *flatulenta*, longe frequentissime pertinacem *spasticam* tractionem atque tensionem intestini coli, super *flatum* in eo expansum, subesse, confirmant non solum progressus illi flatulenti, ubi *bombi* tales, ex uno claustro in aliud spatium tandem erumpentes, *tundentem* talem impetum formant: Sed præsto sunt etiam *observationes*, in ipsis

cadaveribus repertæ talis constitutionis, ubi pars intestini flatu enormiter *distentâ*, hic autem superius & inferius, pertinacissima intestini strictura inclusus fuit, ut omnem transitum, vel aëreo tali halitui sufficientem, denegaret.

Cbiragricorum & Podagricorum Spasmi, fiunt imprimis conspicui, non solum sub ipso *dolore*, sed imprimis ferè illo rursus velut obrigescente, & in stuporem membri transeunte.

Exhibet sese ipsis maximè oculis & reliquo etiam sensui tactus, ipsorum patientium. *Visu* enim conspicitur non solum membrum sic affectum, velut emaciatum atque tabidum; sed ipsæ quoque *articulationes*, conspiciuntur atque sentiuntur ita *rigidè digiti* in curvitatem uncinatam *contracti*, *manus* ipsæ *pronæ*, & in hoc situ ita obstinatè tensæ ac detentæ, ut levissimam *flexionem* propriam, non exerant; alia verò, vel aliena manu perpetrandam, præ immanni veluti ruptorii doloris sensu, & ferè reviviscente micante illo podagrigo cruciatu, non tolerant aut permittant. Est hæc *spastica rigida* compressio atque tractio, præcipuè procerioribus, *cholericis sanguineis*, aut *sanguineo melancholicis* habitus patientibus, familiaris. Cum *spongiosis* frequentius eveniant *tumores* sub hisce pathematibus, cum *stupore*.

Tympanidem Spasminis accensere nos quidem serio dubitamus; Siquidem in omnibus affectibus *flatulentis* potius labefactionem atque *remissionem*, quam rigidam *intensionem toni* seu roboris talium partium, quæ flatibus distendentibus ita locum præbent, subesse, iuxta ut putamus subsumptione, colligimus & agnoscimus.

In ipsa quoque *Cardiaca*, dem *Herz-gespan*, non tam *intensionem* partis, à proprio ejus motu aberrante, quod de essentia Spasmodum est, percipimus; Quam *distensionem* potius, ab aliqua materia, infarctu quodam ibi impacta deducendam iudicamus. Quod confirmat, vel immediate coniuncta, vel ad minimum familiariter immediate præcedens, *alvi* non magis nuda constipatio, quam ipsorum quoque scybalorum *siccitas*.

Pos.

Possent huc etiam reduci *Sphincterum ani & vesicæ* pertinaces interdum spasmi; sed cum minus in se, sed ex solo effectu conspicui sint (nisi quod *ani* spasmus familiariter ipsos adeo *tubulos clysticos* excludat) non placet prolixius illis immorari.

Spasmos *orificii uteri*, quos in *partus difficultate* sibi representant theoretici, nec ipsos adeo facile nobis concipimus: Certi videlicet, & experientia multiplici confirmati, longe pl9 communiter ibi peccare imprudens iudicium & regimen; imo ineptissimum imperium, stupidarum atque stolidarum *obstetricum*, aliarumque foeminarum, Gallicum palpum nominis sapientium foeminarum (*sage femme*,) quamvis linguam hanc non didicerint, affectantium, & *præmaturè* foeminam *eniti compellentium* & urgentium, quam verum talem spasticum uteri ipsius motum vel renisum.

Unius adhuc appellationis mentionem injicere placet, illius nempe, quam *Paracelsus* hinc inde, (uti sæpius solet, nescias somnians, an divinans,) dictis suis immiscet, *Spasnum fixum* vocat. Arguit autem hoc nomine, interdum *podagricos* & *arthricos* affectus; Interdum *Contracturas*, imò nisi memoria me fallit (ad evolutionem enim tempus non suppetit, & vix sit operæ pretium) ipsam *apoplexiam*, *ariduram* &c. Apparet aliquid hic vidisse, vel sensisse, (quod ipsi valde familiare erat, sed non perspectis universis circumstantiis:) Imo verò dicamus illum etiam propterea non nisi strictim & obiter harum suarum cogitationum mentionem facere voluisse.

Sano certe sensu, atque iusta interpretatione, non absolute aberrasse videtur; Sicut enim de *Podagra*, *Chiragra*, *Gonagra*, rectissime dicitur, quod præcipua illarum energia, omni modo consistat in *spasticis* talibus tremulis tractionibus; quæ partim *intimiores*, & singulares musculorum *fibrillas* agitant & afficiunt, lento, *pertinaci*, diuturno motu: Partim, quod supra monuimus, tandem planè manifesto in stricte dictum *rigorem spasticum*, per plures dies jugiter continuantem,

obfirmantur: Ita de *Apoplexia*, non frivola aut levis nobis merito est suspicio, quod multi ad minimum, moriantur pro *Apoplecticis*, quibus magis consummatum repentinum *Asthma convulsivum* hanc mortem pepererit, spasmo pectoris repente destituens respirationis potestatem, adeoque patientes morti tradens. Imò nec in *Ariduris* omnis similitudo successivæ *spasticæ* contractionis deficit. Licet enim membrum moveri utique possit sine *spastico* aliquo sensibili renisu: Non abludunt tamen circumstantiæ, quin fibrillarum successiva lentissima *corrugatione* tractoria, *densatio* illa magis magisque formetur, qua commeatus humorum, suffercientium æque, atque turgidè emollientium excluditur. Unde notabile est, quod *ariduræ* satis familiariter sequantur *dolores* vehementissimos, vel etiam intempestivos abusus remediorum *acriorum nervinorum*. Unde rectè *Paracelsus* idem, immaturum & nimium usum *gummi resinarum* acriorum, in vulneribus emplasticè adhibitarum, talis efficaciam arguit, & hoc nomine rectè ab usu illarum, tunc temporis, dehortatur.

Majore fortassis evidentia *Contracturas* spasmorum talium *fixorum* nomine insignire liceret; nisi subinde aliquid *nodosum* circa articulationes cum ipsis coniunctum, receptam interpretationem *tophacæ* concretionis, in medium adduceret, adeoque veritatem *spasticæ* alicuius efficaciam hic versantis, gravaret. Interim si attendamus, quomodo reverà hi ipsi *nodi*, primitus, communiter & evidentissime, nihil aliud sint, quam veræ *spasticæ* tractiones partium tendinosarum, quibus illæ primò ita pertinacissime *corrugantur*, imò *constipantur*, ut postea in hoc statu arctius inter se *densatæ rigidam* illam duritiem servant, & sicut sine dolore extendi non possunt, ita evitato omnis extensionis conamine, successivè in illo situ reverà magis, quam flexilitatem tendinosam decebat, *siccescant*. Quandoquidem non nisi *spasticos* esse hos *nodos spontaneos* illorum *dissolutio*, una cum conditione subiecti, nempe *tendinis*, qui *humoralem infarctum* & tumorem absolute

tè aspernatur, fatis testatum reddunt; Propterea minimè absurdè, si non tota essentia, ac universa duratio, vera tamen *initia* atque primum *fundamentum* contracturarum, *Spasmo* verisimillimè tribuuntur.

CAPUT III.

De

Spasmodicorum affectuum Causis.

Non placet *Logicè* aut *Metaphysicè* argutari, in tradenda & evolvenda *Causarum* serie; quatenus, & quo ordine, ad nostros affectus constituendos, absolute concurrant; unde v. g. non disputabimus, quo sensu *Contractio* seu *rigida tractio*, possit dici *Spasmi Causa immediata & proxima, efficienter, instrumentaliter*, an potius *formaliter*, ut nempe hæc *tractio* ipsa sit *Spasmus*; sed percensebimus tantum illos *causarum* ordines & respectus, qui magis manifestò, quælibet in suo ordine, nobis hic occurrunt.

Cum videlicet *Spasmus* sit *motus*, & quidem partium, quæ regulariter & *ordinariè* motu affectæ sunt, imò verò non sit absolutè *novus* quidam motus, sed solum, motus in talibus partibus *ordinariè* agentis, excessivum *incrementum*: Jure meritoque oritur hinc quæstio, an illa causa *efficientis*, si-ve illud *Agens*, quod motum in gradu suo ordinario producit, nunc etiam agat, i. e. *auctiorem*, excessivum hunc motus gradum, pariter præstet? An verò planè aliud novum quodcunque *Agens*, motum hunc novum *extraordinarium*, parti positivè incutiat, & vel totum, cessante interim *ordinario agente*, perpetret atque præstet; vel ordinario motui, adhuc *unum* novum *superaddendo*, ingens illud, quin excessivum *incrementum*, producat. Nos, sine supervacuis ambagibus, tuemur *primam* ex his sententiam.

Causam *materialem*, supponunt alii, & quidem imprimis

Veteres, & quotquot illorum vestigia hodieque sequuntur, (quo nomine speciatim censendus venit *Guilhelmus ten Rhyn- ne de Arthritide, & acupunctura Japonensium*;) Ita stricto sen- su *continentem*, ut non magis *materiam*, quam totum *effectum*, præbeat; Dum videlicet illam sibi præfigurarunt, tanquam *flatulentam* seu *Flatum*. Ex *Recentioribus*, multi idem agunt, quamvis paulisper diverso modo. Arcessunt nempe contra- ctionem illam rigidam, similiter à *tensione*, imò *distensione san- guinis*; qui propter aliquam *obstructionem*, per fibras partis, (quos in hunc usum *cavas* esse supponunt:) cum progredi non possit, fibras has *cavas* ita *distendat*, ut illæ, hac distensio- ne in latitudinem, *abbrevientur* in longitudine. Cui rei ad- hibent axioma mechanicum: *Quod linea longa, incurvata fi- at brevior*: (quod tamen nos de *longâ* qua tali, seu longitudine absolutâ, nunquam conceperimus:) Neque etiam de *distensio- ne* simpliciter in amplitudinem, cavitatum *tubulosarum*, ulla datur applicatio, quod illic fiat incurvatio *longitudinis*, adeoq; *abbreviatio*, & consequenter tractio secundum *longitudinem*.

Neutri verò harum præfigurationum, adstipulari nos finit, circumstantia illa Spasmodum, præ omnibus aliis moti- bus hoc evidenter exerentium, ut nullam muscoli affecti *inflationem*, sed puram & absolutam *condensationem* atque compressionem, exhibeant; adeoque præcipuo, & necessario conspicuo hoc effectui, sive *flatulenti* sive humidi, *infarctus*, destituantur.

Alii ex *Recentioribus*, accusant *acrimoniam*, quæ non *physice*, sed, quicquid etiam reluctantur atque protestentur, *moraliter* agat, *vellicando* nempe, adeoque *irritando* (uti certè prudentissimè omnium in hoc genere sibi præfiguravit *Hel- montius*) in *indignationem*, *iracundiam*, *furorem*, incitet moto- res Spiritus, ut illi tam violenter agant. Sed ut nihil de difficul- tatibus hunc modum agendi prementibus dicamus, dissuadet nobis assensû, odiosa illa præsupponenda acrimonix talis *spe- cificatio*; cum manifestissimæ acrimonix *scabiosæ*, *pruriginosæ*, ul-

ulcerosa, rodentes, ardentes, urentes, dolentes, nihil certi atque manifesti *Spasmi* producant; quod non solum facere deberent, dum *irritant*: Sed tanto magis secundum varias species & *gradus* irritationis, tanto *fortius* atque vehementius facere deberent, quò magis irritant. Quorum cum nihil ita se habeat, hanc etiam immediatam materiæ talis activitatem, ad motum hunc directè provocandum, recipere & calculo nostro approbare, non possumus.

Agnoscamus nos potius pro causa *materiali*, generaliore, *abundantiam sanguinis*, & statum, *spongiosum* corporis, talem nempe, in quo sanguis copiosus in musculorum *poris ac meatibus* continetur ac incedit, *vasa* verò habet admodum *angusta* & *exilia*. Eiusmodi constitutioni familiarem esse *spasnum*, cum confirmet atque commonstret veritatis testimonium à *posteriori*, suppetit sanè etiam causalis nexus atque habitus à *priori*, quatenus ad præstandum *progressum* sanguinis per partes porosas *ordinarium*, *Motus Tonicus* ordinarius inservit: Ita pro juvando & expediendo hoc progressu, quando, in abundante *extra ordinem* sanguinis copia, impeditius succedit, tanto magis *extra ordinem* intendi debere hunc motum, mechanicæ proportionis consequentia est. At verò non solum in *extraordinario*, sed interdum etiam *impedito* ac *laborioso* actu, faciliorem esse exacerbationem exquisita *proportione majorem*, quotidiana experientia in omnibus actibus, non solum *corporalibus*, sed etiam *rationalibus*, evidentissimè docet.

Imò vero, quando non jam amplius *nuda* subest progressus sanguinis per abundantiam laborantis, *auctiore motu* expediendi, *necessitas*, sed omnino totius quantitatis, ita prægravantis, *imminutio* & exoneratio intenditur: quæ perpetrari non magis *solet*, quam aliter *non potest*, nisi per *compressorios* tales motus, quibus humor ad unum aliquem *certum* locum, è vicinia, constringatur, ut ibi *eruptionem* assequatur. Ibi, in tali, inquam, casu, ut a *priori* spasticis talibus tractionibus eximius est locus, nempe evidens aptitudo ad effectus tales perpetr-

petrandos: ita suffragatur huic rei, quod nempe reverà sic etiam fiat à *posteriori*, ipsa *Experientia*, dum *Spasmi* illis imprimis familiares sunt, quibus depletiones sive expressiones tales sanguinis, vel fieri consueverunt, vel ut fierent, *conveniunt* atque quadrant: Adeoque spastici hi motus propriè, tanquam *motumina* ad ejusmodi effectum tendentia, per omnem rationalem considerationem haberi merentur.

Sicut autem in omnibus *motibus*, longè maxima vis est *Consuetudinis*, ut nimirum primò quidem propter certam aliquam materiam, & *proportionem*, materiæ illi sic satis *quadrante*, suscipiantur. Quo *sæpius* autem exerciti sunt, eo major *activitas* moventis, seu promptitudo ad *præstandum* motum, & *agilitas* instrumentorum, ad faciliè & expeditè *suscipiendum* motum, subnascatur: Ita in aprico prorsus posita videtur vera ratio, cur *Consuetudine* i. e. & *promptitudine* ad agendum, & *facilitate* in agendo, magis magisque tanta inducatur agendi *levitas*, ut nulla jam amplius adeo insignis *mechanica corporea proportio* requiratur, ad motus ejusmodi suscitandos: sed longeleniori atque *leviori* provocationi, *frivole* quasi, respondeat & contra assurgat, illa *movendi*, ex *multiplici* exercitio, adscita veluti *protervia*, adeoque leviores etiam causas *materiales*, imò solas *intentiones* patheticas exacerbatas, *temeraria* provolutio ad motus, insequatur.

Neque vero ullo modo silentio præteriri potest, tam *erronea*, in *dirigendis* motibus ad certum atque ordinatum finem, efficacia, quam semel suscepta, per *operosos* motus finem aliquem assequendi, firma *intentione obstinata*, deinde *continuandi*, & ad scopum illum connitendi, *pertinacia*. Quibus circumstantiis, (quæ corporis *humani* œconomix, præ omnibus *brutis*, imprimis maximè familiaria sunt,) numerosa exempla ab æquali & magis *purè mechanica*, minus autem, vel minimè arbitraria *proportione*, deflectentis directionis, verè atquè unicè innituntur.

Unde quidem & *ferociores* illi, & *ultimi*, licet frequentissimè

me *irriti* conatus, molimina inquam vehementiora, *Tetan*, *Emprosthotoni*, *Opisthotoni*, natales suos debent ejusmodi pertinaci nisi atque intentioni excernendi, imò *exprimendi*; & quidem ultimâ *vi*, ac velut in unum *collectis viribus*: Quando per vias magis *ordinarias*, & motus *modestiores*, *ordinario* gradui propiores, instans periculum depelli atque superari non potest.

Reverà enim *Convulsiones* (exceptis *Epilepticis* magis purè assuefactis) nunquam cooriuntur, quin verus aliquis *labor*, & *justa cura* ac sollicitudo per *Motus Tonicos* secretorios, & excretorios, aliquid e corpore excutiendi, atque excernendi, evidenter præstò sit. Dilucescit hoc autem tanto magis in illis *Convulsionibus*, quæ inevitabilem *mortem* præcurrunt: De quibus *duplex* est assertio; altera *Medicorum*: Quod *paucissimi homines moriantur citra Convulsiones*: Altera *plebis*, quâ convulsiones tales in *mortem* desinentes exprimunt illa loquendi formula: *Es sey dem Krancfen zum Tod angekommen*.

Ubi totius rei fundamentum in eo versatur, quod *tentatis* hætenus variis viis atque methodis, magis *ordinariarum* atque proportionatarum excretionum, sed *irrito* successu; tandem *unum* quod superest, *fortissima* & violenta, tam propellendi, quam exprimendi, methodus, *ultimo* loco suscipiatur. Quæ si pariter non sufficiat, ad coërcendam aut expellendam noxiam materiam: Tandem ita, tentatis omnibus viribus & nullo penitus superstite præsidio vel subsidio, rectè atque ordine, & justissimè, ab omni ulteriore continuatione irritorum conaminum, desistatur.

Sicut autem *generalis*, & magis *directa* seu velut *essentialis* causa *materialis* *Spasmos* concitans atque provocans, est, imprimis, *sanguis quantitate*, quin etiam *qualitate* (spissiore consistentia) laborans; Ita *specialior*, & in hoc genere magis *accidentalis* hujusmodi causa, sunt *variae aliæ res*: Imò i-

pſo toto genere p. n. ut *vermes*, *calculi*, *globuli*, &c.

Ita enim à *Vermibus*, in inteſtiniſ, æque ac aliis corporis locis, *ſpaſticos*, imò *convulſivos* affectus & affectus ſuboriri, ex hiſtoria & obſervationibus practicis, multis exemplis diluceſcit. A *calculo* verò, cruris in affecto latere, aut femoris ad minimum, *ſpaſmos* cooriri, veluti quotidianum quiddam eſt. A *globalis ſclopetariis* ſimilia nota ſunt incommoda.

Sic etiam ab ejusmodi læſionibus partium muſculoſarum aut tendinoſarum, quæ cum inſigni *terrore* ſunt, *ſpaſticos*, imò ſubinde *Convulſivos* effectus ſequi, vix quemquam lætet. Unde cum primis à *morſibus* animalium, imò à gravi *lapſu* & allifione, contorſione, contuſione partium tendinoſarum aut ligamentofarum, *ſpaſticos*, imò *Convulſivos* effectus ſubnaſci, familiaribus exemplis innoteſcit.

Imò vero, cujus, niſi *ſpaſticæ* indolis, ſunt illi *dolores*, qui membris externa violentia gravius afflictis, impoſterum veluti ſolenniter eveniunt, quoties *tempeſtatis* aliqua inſignis mutatio, non tam ſeſciam plane caſtro ſenſui ſiſtit, quam ſolum ingruit: quod noſtrates appellant: *einen Calender in den Gliedern haben*.

Tanto major autem eſt efficacia *Conſuetudinis*; Ut videlicet in corporibus, *ſpaſtico* motui jam plurimum aſſuetis, impoſterum ſpaſmi ſæpè moleſtiſſimi, ſequantur vel nudum ejus membri ſitum tenerè diſtortum, compreſſionem aliquam fortioſorem ligaturam ſtrictioſiorem &c. Adeò, ut quoties talis levis aberratio committitur, in promptu ſit *ſpaſmus*, præcipuè *ſimplex*. *Suſpecti* verò illi, ad *Convulſiones* proni, *animi* quoque *pathemata* promptè ſectantur, quando ſemel ita in *habitum* tranſiverunt.

CAPUT. V.

De

Erroneo atque in ſufficiente conatu & ſucceſſu Spalmorum.

Siquidquam est, quod *Pathologiam* ab omni tempore, in præsentem usque diem, gravissime afflixit, implicatio illa est atque aberratio, qua *Motus* in corpore, *activè*, & sub aliqua certa *intentione*, suscepti, neque semper ita scitè atque exquisitè in effectum, ad & *finem usque*, deducuntur, sicut inchoati & suscepti sunt; Neque statim, ab initio ita curiosè, sollicitè atque seriò instituuntur sicut ad *proportionem* substratæ materiæ, & *dignitatem* totius propositi, si omnia ad *rationem solidissime sibi constantem*, exigantur, quædrent.

Omniū enim prima, & non solum trita, sed sane detrita est illa dubitatio seu objectio: Si actus tales propter certum *finem*, corporis conservationi destinatum ac intentum fiunt, atque perpetrantur; adde ex hypothesi, medicis à longo tempore receptà, intentione atque directione animæ *humane*, (quam ab actu suo eminente, specifico, *rationalem* dicunt) administrantur atque perpetrantur, non deberet, imò non posset fieri, ut media ad obtinendum finem, aliter adhiberentur atque instruerentur, quam fini illi obtinendo *vere* atque *recte* conveniret. Quandoquidem *agens* propter finem, non solum in genere, finis illius *gnarum* esse debet; sed etiam media, ad illum finem tendentia, *rectè* cognovisse; quod tantò magis valere debet, de tali agente, quod directà & confessa, ut vocant, sua indole atque efficacia, *scire* atque *intelligere*, adeoque nihil, nisi *scitè* & *exactè* *inventionis* cum *intentione* conspiratione, agere potest, si præcipuum & specificum suum attributum, *rationalitatem* tue-ri debet.

Placet autem hoc, tanquam *ὁμολογία*, loco, hujus argumenti levitatem brevissimè monstrare, & totum speciosæ hujus dubitationis nervum, succidere, nimis quam solida illa distinctione, inter *rationem humanam*, exquisitè, & secundum *strictam* acceptionem vocis, *perfectam*, & talem, qualis in *statu suo corrupto* existit.

Cum enim in eo statu, non quo esse debebat, sed quo

post lapsum est etiam in illis rebus, quæ *absolutum* ejus objectum constituunt, prompta præfiguratione seu fictione facillimè *reformandis*, nihilominus perpetuis cespitationibus atque defectibus obnoxia sit; quantò minus mirum esse debet, quod in illis rebus aliquando aberret in quibus non nudis atq; arbitrariis *fictionibus*, sibi succurrere aut consulere potest; Sed consilium ex re fumere, intentionem, inventionem, & totam agendi proportionem, *corporalium rerum necessitati* applicare obstricta est.

Ubi quidem illa, quæ multas adeò torquet, (sed sanè præposterâ acceptione) *libertas agendi*, i. e. *voluntatis* semper affectata & obstinata *libertas* illud unicum est, quod in *humano* corpore *rectè movendo*, præcipuas turbas dare sentitur. Siquidem omnes ejusmodi errores, si rem rectè æstimemus, his duobus fundamentis innituntur: I. quod res, quibus actiones suas, juxta *necessitatem* corporeæ proportionis, accommodare debebat, non rectè *intelligat, consideret, perpendat*, sed *temerè* subsumat & concludat. II. quod sæpè etiam nihil rectum atque justum, cum *corporali proportionem* rerum conveniens, VELIT. Quod vel exinde manifestum evadit, quod actiones ritè *susceptas*, debita constantia non *prosequatur*; sed titubet, & inter agendum atque cessandum veluti ac detur: Omnium autem manifestissimè, quod nudis *animi*, ut vocant, *pathematibus*, i. e. repente concitatis turbulentis, insufficienter comparatis seu consideratis, *intentionibus, Voluntatem*, circà res corporeas, *immutabiles*, versandi atque agendi frivole subiiciat: i. e. non secundum restrictam illam, *necessitati* alicui reali alligatam, & huic justè & rationaliter convenientem, *proportionem* agere velit, sed secundum sibi proprias rationis ratiocinantis, seu promptè & *liberè*, abstractivè, ut vulgo vocant, fingentis intentiones & formatas ideas, obstinatè velit, velit inquam, actionem suam instruere & ad finem perducere. Qui sanè hujus *liberè agentis*, & non ex *necessitate* objectorum, sed ex levitate suarum *fictionum*, liberè agere *volentis* principii, perversi sunt effectus.

Ab hac hujus *agentis* principii indole potest, nisi nos omnia fallunt, longe probabilissimè deduci, non solum *generalis* illa facilitas, *vitales* actus, *corporeos*, inquam, *motus* erroneè pensitandi, & protervè atque obstinate, aliter, quam *materiæ* *necessitas* permittit, *volendi*: Hæc, inquam generalis deflexio atque aberratio *humanæ* *Oeconomix* planè peculiariter *præ* *universis* *animalibus* brutis, familiaris, imò verò propria. Sed exerit; imò exhibet sese etiam Veritas hujus rei, in tot particularibus atque *specialibus* exemplis. Quæ iterum ad duo genera superiora reduci possunt; nempe *habitum animi* seu *morum* patienti solenniter & *constanter* consuetorum; & *animi pathematum*, ex *improvisto* concitatorum. Siquidem in praxi certissimum, & quotidianæ observationi obvium est illud, quod de *morum animi*, & *motuum vitalium*, præcipue in rebus *trepidis*, exactissime servata similitudine, partim alibi passim, partim, & præcipuè quidem, in explicatione usus & efficacix *Temperamentorum in physiognomia*, indigitavit D. D. Præses.

Exempla ita hic occurrunt multiplicia, ut abundantia potius fastidium, quam penuria curam, injiciat. Ab hac enim sola utique causa, proficiscitur illa, (in *infantibus* usque, animi atque morum sequiorum, aut segniorum,) anomalia, ut in talibus affectibus, ubi materia valde periculosæ efficacix, valde *circumspectis* atque *placidis* motibus, restrictivis, ad *certam* partem, *dirigi* & remoueri, ab aliis verò partibus, *abigi* atque dimoveri debebat; Quod inquam, subtilibus concurrentibus, malè sibi invicem constantibus atque respondentibus, *mouendi*, & *moventis* proportionibus, nihil nisi anomalæ *turbæ*, *conamina*, *tentamina*, perperam suscipiantur. Unde v. g. in *Variolis*, infantes alias placidos atque tranquillos, placidè ac tranquillè, toto morbi decursu defungi videmus; imò vel maxime ipso illo casu, ubi quibuscunque *corporeis* *impedimentis* obfistentibus, natura succumbere cogitur, & ad mortem; Nedum ubi ad vitam, *salubriter*, evenit morbi exitus. E contra *timidis* facile *iracundis* vehementer & pertinaciter,

gravia eveniunt, violentorum & impatientium motuum, in-
tempeſtiva molimina, & tumultuaria conamina: Et hoc qui-
dem ita *ordinariè*, vt ſubjectis ita conſtitutis, talia *non* accidere
rarius ſit, quam certo accidere.

Quadrat hoc ſpecialius exemplum, tanto magis ad præ-
ſentem noſtram rem, ubi *Spasmos*, ut motum communiter *er-
roneum* declarare neceſſe habemus; cum in omnibus etiam
huiusmodi *ſpecialibus* caſibus, *error* ex *morum* ſeu *voluntatis*
vitio, unice recidat in *motus*, & quidem communiffime *exa-
cerbatus*, *Spaſticos* & *Convulſivos*.

Interim, & ut utique *rationalitas*, & *propter finem* agendi
potentia, in hoc agente, de quo hic ſermo eſt, tantò melius
agnoscat; ſtatuminanda omninò etiam hoc ipſo loco eſt il-
la, alibi quoque à D. D. Præſide notata veritas, quod *erronei* ta-
les conatus, abſolutè nunquam, *toto genere* ſint *irracionales*, &
pure *erronei*; Sed potius *genere*, (generalis non ſolum *inten-
tione*, ſed etiam actu ſive *inventione*,) omninò *rationaliter*
conuenientes.

Quandoquidem conamina atque tentamina ſunt, ad *ex-
cretionem* rei, ſive *quantitate*, ſive *qualitate* non tolerandæ;
in genere quidem, & juſtè deſtinata, & ſatis efficacia: Sed *in ge-
nere* tantum, deficiente interim, & aberrante *ſpeciali* propor-
tione, *quantitatis*, *qualitatis*, *organi* eligendi, *meſura* deter-
minandæ, quæ *præſenti*, *huic*, *ſpeciali*, imò *ſingulari*, mate-
riæ morbidæ, *ſpeciali ſine* quadrent.

Sunt omninò *Spasmi* noſtri, univerſæ huius rei eximium
(ne dicamus *unicum* generaliffimum, pauca impediunt) ex-
emplar. Hos enim nunquam *oriri*, niſi vel *pathetica* aliqua
vel *materiali* quadam proportionem quoque *juſta*, *impulſiva*, ut
vocant, cauſa, ſubſit, abſolutè in nos recipimus. *Oriri*, dixi-
mus; ut videlicet poſthac factæ *aſſuefactionis* exceptio, omni
meritiſſimo jure in propriam ſuam tribum faceſſat.

Quamvis autem hac ratione *generalem rationalitatem*,
Spasmi meritò aſſeramus; *ſpecialem* tamen eodem jure ipſis
dene-

denegamus; Ad minimum communissime: Et præcipuè *acerbioribus* illis, *universalioribus*, aut in *particulari* aliquo loco *pertinacissimis*.

Confirmat autem Theoreticam hujus rei Veritatem, tanto magis consideratio illorum *hominum*, quibus Spasmi familiariter eveniunt, qui sunt *Sanguinei*, & in aliis *mixturis* temperamentorum, sanguinei *prædominium* præ se ferentes.

De horum enim ad paulo operosiora negotia *promptè* suscipienda, cum *industria* prosequenda, & connitendo ad paulò *impeditiorem exitum* deducenda, *difficilibus*, *tergiversantibus*, *impatientibus*, *immoderatis*, *præcipitibus*, moribus, cum pluribus actum sit in Dissertatione de *Temperamentis*, eorumque usu *physiognomico*, non placet hic rem repetere.

Unde quidem hoc caput ita concludimus, ut *Spasmos* motus esse stricta *specie* erroneos, ipsimet declaremus; *Genere* vero & generali mutua proportionem, talis motus ad talem materiam, nihil profecto minus sunt, quam *erronei*, sed justis prorsus, & generali ad minimum *fini* rectissimè convenientes: Adeoque, quod præcipuum esse debet illatum, minimè omnino *Passivi*, sed omni modo *Activi*: *Passionem* vero aberrationis, *moralem*, non à *posteriori* à *materiæ* vitio, sed à *priori*, ab ipsius *agentis* intentione falsâ habentes.

CAPUT V.

De

Therapia & cura Spasmodorum.

Quantam considerationem mereantur mutui illi respectus, quibus *motus* certi, à *materiis* certis, dependent, innotescere facile potest ex eo, quod, si *materiæ* tales *motibus* talibus reverà ansam præbent, *præposterum* omnino futurum sit, effectum sub-

sublatum velle causâ libertati suæ relicta & neglecta. Quamvis enim hac ratione, fortassis *in præsens* aliqua suppressio, sæpius vero magis nuda *diffimulatio* præsentanei effectus, forte obtineretur; Cessante tamen efficacia remedii cohibentis, à *causa* sibi relicta, eundem, aut similem sane *effectum*, iterum, vel denuo, expectandum esse, sanæ rationi evidens existit.

Valet autem hoc tantò magis in ejusmodi *motibus*, qui non tam à *physica* efficacia ipsius materiæ producuntur, sed potius intentione aliqua, *contra illam* materiam directâ, instituuntur atque diriguntur: Adeoque *utili* (in genere ad minimum) intentione, adversus incommodam, imò interdum noxiam materiam instituti, non nisi *inutiliter*, imò periculose *reprimuntur*, si illud incommodum, cui opponi debent, non sublatum sit.

Interim satis evidens etiam utique est, quod harum rerum nulla apta, & indoli veræ negotii quadrans, conciliatio aut comparatio adhiberi possit, quamdiu non satis cognitus aut agnitus est ille *nexus* inter ejusmodi *materias & motus*; Vel ad minimum constitutionis certæ *materiæ*, ad producendum certum *motum*. Unde, licet vel maximè agnoscatur efficacia materiæ pro motu producendo, incognito tamen, aut aliter efficto *agendi* atque producendi *modo*, perit iterum omnis vera, solida, & rei conveniens *methodus subveniendi*, adeoque sperato eventu excidit imaginaria cura. Ne nimis prolixi simus in arguendis quamvis communissimis, aberrationibus, rem potius edisseremus, nimirum, quod *motibus spasticis*, vel occurri possit (1) *præservativè*, & maximè quidem, solidissimè, imminuta & *subtracta materia*, propter quam instituuntur: (2) ut vocant *curativè*, à posteriori, cohibito magis immediate ipso motu.

Primum quod concernit, perpetratur hoc præcipue sinceris *Evacuationibus* humoris, qui hisce motibus ansam suppeditat, nempe *sanguinis*. Et iusta ejus, *spissioris attenuatione*.

Habent hic utilitatem eximiam *Venæsectiones*, *justo tempo-*

re & quantitate, institutæ: In iusto etiam *loco*, tam *parti* affectæ, quam *ætat*i patientis, respondente: Quamvis aliquid hic etiam dandum sit ptægressæ seu adscitæ *consuetudini*.

Subvenit his iisdem anomalizantibus motibus, etiam, *Scarificatio*; Et quidem tum *in genere*, in ejusmodi personis, quib9 per corporis & vasorum constitutionem *Venæsectiones*, paulo difficilius administrantur: Tum *in specie* spasticis motibus, expresse, circa hæc loca sese exerentibus, & ab ipsa prægressa assvefactione *Scarificationis*, postea neglecta, coortis. Cujus rei exemplar exhibetur *Diff. de Motu Tonico*, in Historia Viri honoratioris, Quedlinburgi t. t. viuentis.

Specialiori intentioni, circa *Hæmorrhoidalia*, aut alia talia loca, ad quæ neq; *Venæsectioni*, neq; *Scarificationibus*, satis patet liber aditus, inserviunt *Hirudines*. De quarum efficacia, in hujusmodi *spasticis* pathematibus *Hypochondriacis*, *Ischiaticis*, imo *Podagricis*, observationes sive Historiæ illæ Practicæ, quæ ex Autoribus minimè suspectæ fidei, *Diff. de Sangvisug. usu*, adductæ, sunt consideratione, imò imitatione prudenti, longe dignissimæ.

Conducit etiam huic *præservativæ*, sive causarum antecedentium remotivæ, intentioni, Evacuatio aliorum, secretionē & excretionem etiam *specialiorem* promerentium, humorum, tam ad *ulcerosam* acrimoniam aptorum; quam mucida quadam *tenacitate*, stases, tandem tamen in *ulcerationem* exituras formantium. Exemplo sunt, tam *Spastica* talia Pathemata, quæ a retropulso *Erysipelate*, retropulsis *scabiosis*, *apostaticis*, *apostematicis* collectionibus, ortum ducunt: Quam *venerei* tales, tenaces, *nodosi*, *gummatosi*, ut vocant, tumores & infarctus: Quibus omnibus, varii tensivi, gravativi, vibrativi, tales *spastici* motus supervenire consueverunt.

Has materias resolvere, & vel immediate è toto corpore, vel mediate, primum ex illo quem occupaverunt loco, evacuare seu dissipare, præcipuus & fundamentalis est scopus, cui recte obtento, exacerbatio illa obediat atque cedat.

Quamvis autem hujusmodi Medicationis species, è propriis locis, illorum videlicet morborum, a quibus originem ducunt

tales spafmi, *peculiaribus* Therapiis petendæ sunt; est tamen hoc loco, & in nostram præsentem rem, illud utique monendum, quod omni modo illud fieri necesse sit, i. e. in singulis ejusmodi affectibus, *materiæ* illius affectus, ut vocant, *specificæ* ejusque collectioni ad certa loca, ubi *Spasmos* concitat, Medicamentis illi quoque speciei materiæ quadrantibus, ita contra occurrendum, ut malis hisce consequentiis post se ducendis, sufficere non possit.

Merito vero in his etiam affectibus attenditur solida illa *distinctio* Practicorum, quam afferunt pro Therapia morborum *paroxysantium*; Qui nempe proprie sunt hujus census, nempe *motuum* exacerbationibus profapiam suam debentes. Distinguunt videlicet inter curationem, sive methodum medendi, *in paroxysmo*, vel *extra* eundem, adhibendam.

Valet omnino hæc distinctio, etiam de nostro, *Motuum* stricte dictorum, *Spasticorum* negotio; ut videlicet, quam maximè in his ipsis etiam alia methodus adhibenda esse intelligatur, *vigente* ipsa exacerbatione; Alia vero *ante* & *extra* exacerbationem, & potius ad illam solum *præoccupandam*.

Quo maximè sensu, antea etiam usi sumus illis loquendi at distinguendi formulis, quod *imminutiones* & evacuationes, *præservativo* scopo commendatæ, instituendæ sint *tempestive* nempe justis opportunitatibus, quibus Natura auscultare, atque magis, quam promiscue alio quolibet tempore, placari atque pacari notatur. Valet autem omnino hæc methodus præcipue atque eminenter in illis casibus, ubi magis jam *assuefacta*, adeoque etiam à *levibus* materialibus occasionibus temere provocanda vel exacerbanda, adest erroneorum talium *Spasticorum* motuum conditio, quam ubi iidem a multæ materiæ copia adhuc revera foventur.

Quod tamen minimè ita intelligendum, quasi non in hac etiam constitutione, eximius omninò harum præoccupationum, seu præservatoriæ ut vocant methodi, usus esset & effectus. Multo minus, quasi in postremo hoc casu, ubi quidem *materia* malum evidentius incitat atque fovet,
non

non *extra* paroxysmum, sed forte *in paroxysmo* magis, locum haberent. Nequaquam. Sed potius, ut ita breviter ac disertè nos atque totam rem expediamus: Valet *præservativa* illa evacuatoria præoccupatio *extra* Paroxysmum, tam in malo *cum multa materia* colludente, quam sine eadem: In ipso verò etiam *paroxysmo*, potest hisce evacuationibus, efficacia, & illa quidem interdum insignis, obtingere, ubi *multa* subest *materia*: Ubi verò *pauca*, sed major *motuum* seorsim peccat protervia: Ibi *Evacuationes* tales, *in ipso paroxysmo*, non solum absolutè inanes sunt; sed etiam subinde aptæ atque natæ, ut in futurum magis absolutè majori, & *proterviæ* ad incipiendum, & *contumaciæ* ad continuandam frivolum quasi nudum motum, occasionem præbeant.

Altera pars methodi, pro curandis *Spasmodum* Conaminibus, consistit immediate in *Motus* ipsius medicatione. Quæ fit, partim per *generaliora, lenientia, leniter relaxantia, atque emollientia* &c. Quæ vulgo *Paregoricorum* appellatione notantur. Partim per remedia dicta *Specificæ*.

Prioris quidem generis, *interna*, non ita parco numero ab Autoribus commendantur; Sed sicut illa huc transcribere non placet, ita melius fuerit, pauca ex ipsis nominasse. Sunt itaque de horum censu, non contemnenda, *Succinum*, modestè, & sine separatione suæ substantiæ, usurpatum; Vel ex præparatis ejus, *sal* ipsius *volatile*: vel ita dictus *Liquor Cornu Cervi succinatus*, à superfluo sale *urinoso* liberatus; Quamvis utiq; miracula ab ipso expectare, nemo in animum induxerit. Medicamenta etiam vegetabilia alia acriuscula, quæ cæteroque partim *Anticatarrhalia, Nervina* atque *Carminativa* æstimantur, *temperata* tamen. Horum verò nihil commode, nedum efficaciter, usurpabitur, ubicunque *materia abundaverit* priusquam illa ventiletur. Quod tanto magis sane valet de *salibus volatilibus urinosis*: Hæc etiam post ventilationes, non nisi *moderato* usu tolerabilia sunt. Melius autem omnino, si cum acri *Tinctura salis Tartari* remixta exhibeantur. Majoris efficaciam, & quidem ad motus jam specialius, sive ut loquuntur specificè moderandos, famosa est *Cinabaris*. Nos quidem,

ab-

ab sit, ut omne odium clamori triviorum contradicendi, in nos suspiciamus; Illud tamen dissimulare non possumus quod utique tantam illi efficaciam, ut etiam inter vera *specifica* numerari mereatur, nostro calculo confirmare, religioni ducamus. Sufficiat ipsum in præsentī classe nominasse & consensisse, ut rectè monet B. Ludovici, quod aliorum efficaciam sui accessione acuere videatur, nempe *fungens vice cotis acutum reddere quæ ferrū solet, exors ipsa secandi*. In valde sensibilibus, & hoc nomine *infantibus*, ad minium contemnenda non est; Tumida verò illa encomia moribus seculi danda sunt.

Ne, dum scyllam vitare volumus, in charybdim incidamus, cavendum nobis est, ne laudes *Cinnabaris* trivales, in *Nitrum* transferamus; Quod licet nequaquam hoc sit, odiose pro nostra creatura, ut vulgo loquantur, argui posset, adeoque nostra in ipsum indulgentia, accusari. Erimus itaque brevissimi, spondendo *prudenter experientibus* optatos effectus.

Diluentia quatenus materiam movendam contemperant, laboriosioribus motuum moliminibus præoccupandis inserviunt.

Specifica antispastica, majore numero vulgo recensentur, quam exiguum spatium quod nobis superest, ferat. Tanto minus operæ fuerit pretium, illa memorare, cum nobis experientia in hoc genere fauorem suum constantissime deneget: In deprehendis, inquam, *specificis* effectibus *solidis & constantibus* adversus *simplicem verum spasmus*.

Exacerbatos *fortissimos spasticos*, (*Spasmi* vocem accipiendo *generatius*) nempe *convulsivos* Motus, *specificis* compescere revera facilius esse confirmat Experientia, quam *simplices* Spasmos.

Annuli certe illi Antispastici, ex *ungula aalcis*, *cornu rupicaprae*, *Mercurio concolato* &c. expectationi satis fecisse nondum vidimus; Nisi quatenus aliquando non ut ex tali materia, sed simpliciter ut *annuli*, & quidem *arctiores*, aliquid efficaciae habuisse apparuerunt. *Ferreos*, è *catena patibuli*, frustra fuisse, quam sæpissime vidimus: Vidimus tamen etiam *ferreum* (sed nescias è quali ferro superstitiosis ad minimum vestigiis notatum,) *Spasmi* paroxysmo febrili, in *plethorico* corpore sociatis, præsentaneum effectum habuisse, quoties digito jungeretur: Dubium tamen propria magis, an firmissime *imaginationis* in patiente, efficaciam. Encomium dentis Hippopotami, ex *Taberna montani Hydrographia* (*Wasser-Schatz*) excerptum, legere licet in *Dissert. de Lapide Manati*. Sed protestantur ipsi exoticarum regionum scriptores, non promiscue omnium dentium hanc esse efficaciam: Et fert suffragium Experientia.

Nos Tribus verbis sententiam nostram dicimus: Si quod ad manus est commendatæ efficaciam *Specificum*, detur, sub circumstantiis memoratis.

Plura vetat tempus, chartæque angustia. TANTUM!